

# He aratohu mō te raihana matua

## Te mahere ki tō whai raihana motokā

TĪMATANGA	RAIHANA AKO <small>6+ marama</small>	RAIHANA HERE <small>18+ marama<sup>2</sup></small>	RAIHANA MATUA
Ngā tikanga hautū waka	Ngā pūkenga me te harataua	He wheako hautū takitahi	Ngā āheinga katoa o te raihana matua
<p>Ākona ngā tikanga hautū waka o Aotearoa</p>	<p>✓ Ka angitū i te whakamātautau ariā</p> <p>✓ Me whai kaitirotiro i ngā wā katoa<sup>1</sup></p> <p>✓ Me whakaata pereti L</p>	<p>✓ Ka angitū i te whakamātautau hautū waka</p> <p>✓ Kāore he pāhihi ki te kore he kaitirotiro<sup>3</sup></p> <p>✓ Tē āhei te hautū i waenga i te 10pm me te 5am</p>	<p>✓ Ka angitū i te whakamātautau hautū waka</p> <p>✓ E tonoa ai te raihana matua, me 6 marama, neke atu e mau ana i te raihana here<sup>4</sup></p>
	<p><sup>1</sup> He kaihautū kua 2 tau, neke atu e mau raihana matua ana</p>	<p><sup>2</sup> 12 marama, ina whai tiwhikete nō tētahi karaihe hautū waka e whakaaetia ana</p> <p><sup>3</sup> Arā tonu ētahi motuhaketanga. Mō ētahi anō taipitopito, e toro ki <a href="http://nzta.govt.nz/restricted-licence-conditions">nzta.govt.nz/restricted-licence-conditions</a></p>	<p><sup>4</sup> 3 marama ina whai tiwhikete nō tētahi karaihe hautū waka e whakaaetia ana</p>

## Te whakarite i tō whakamātautau raihana matua

ME MĀTUA	<p>Me 18+ tau, me 17.5 tau rānei mēnā kua tutuki tētahi karaihe kaiaka mō te hautū waka</p>	+	<p>Mēnā e tamariki iho ana i te 25 tau, kua 18 marama neke atu e mau raihana here ana</p>	ME PĒNEI KĒ RĀNEI	<p>Mēnā rānei e tamariki iho ana i te 25 tau, kua 12 marama neke atu e mau raihana here ana, ā, kua tutuki hoki tētahi karaihe kaiaka mō te hautū waka</p>	<p><b>Utu \$98.90*</b></p> <p>*Koinei te utu nō te 1 Oketopa 2023, ka panoni tonu pea</p>	
	TĀPUITIA HE WĀ	<p>Mā te ipurangi ki <a href="http://nzta.govt.nz/book-a-test">nzta.govt.nz/book-a-test</a></p>		<p>Ki tētahi āpiha whakaraihana</p>			
KUPU ĀWHINA	<p>E āhei ana te hari kaitautoko*</p>		<p>E āhei ana te hari kaiwhakawhiti reo*</p>		<p>E āhei ana te tono i te āpiha whakamātautau kia toai i ngā tohutohu</p>		<p>E āhei ana te tohe mēnā kāore i tautika te arohia ōu*</p>
	*Tirohia <a href="http://nzta.govt.nz">nzta.govt.nz</a> mō ētahi taipitopito anō						

## Ka pēwhea te rere o te whakamātautau? (20 mēneti)

<p>Ngā rama pūtahi</p>	<p>Te whakawhiti ki ara kē</p>	<p>Te ahu tōtika</p>	<p>Ngā ara kōmiti</p>
<p>Te huri whakatemalaū, whakatemataua hoki ki ngā pūtahi (tae atu ki ngā rori ara-4)</p>	<p>Te pūtahi porotaka</p>	<p>Te tautohu ā-waha i ngā mōreareatanga me te urupare atu</p>	

## He hapa hārukiruki

Ko te hapa hārukiruki ko tētahi hapa hautū kāhore nei tētahi kaiwhakamahi rori, ētahi rawa rānei e noho mōrearea. Ki te nui ake i te kotahi ō hapa hārukiruki i te tūārere 1 (te 10 meneti tuatahi) o te whakamātautau, kāhore tō ihu e puta. Ki te **nui ake i te rua ngā hapa hārukiruki** i te roanga o te whakamātautau, kāhore hoki tō ihu e puta.

- **Pōturi rawa** 10km/h i raro i te pae tere, he pōturi rawa rānei te mahi.
- **Te kake i te taparori** ka kake tētahi wira i te taparori ka whakatū waka ana, ka huri 3-wāhanga ana rānei.
- **Tere rawa** 5–10km/h i tua o te pae tere, kāore e roa ake i te 5 hēkena.
- **Te whakaweto poka noa i te waka.**
- **Ka mahue te tiro tiro** ki te pūtahi, ka mahue rānei te tiro tiro ā-whakaata, ā-māhunga hoki.
- **Kāore e tū mārika ki tētahi tohu tū.**
- **Ka mahue te tūtohu.**
- **Ka aukatingia tētahi whakawhitinga waehiko.**
- **He mahi taihara kē atu** hei tauira, ko te kotipū koki, ko te pātata rawa rānei o te whai.

## He hapa mūhore aunoa

Ko te hapa mūhore aunoa, ko tērā e mate ai tētahi atu kaiwhakamahi rori ki te karo atu, e noho mōrearea ai rānei tētahi kaiwhakamahi rori, tētahi rawa rānei. Ki te pēnā, ka aunoa te hinga i te whakamātautau.

- **Ka mate te āpiha whakamātautau ki te kuhu atu.**
- **Tere rawa** 5km/h i tua i te pae tere, mō te 5 hēkena, roa atu rānei. Ko te 10km/h, nui atu rānei i te pae tere, ahakoa te roa.
- **Ka mahue te whai i tētahi tohutohu.**
- **Ka mōrearea te tū** ki tētahi whakawhitinga rerewē, ka aukatingia rānei tētahi pūtahi.
- **Ka tukituki** ki te taparori, ki mea kē atu rānei.
- **Ka mahue te tū** ki te tohu tū, ki te rama pūtahi rānei.
- **Ka mahue te tautuku.**
- **He mahi mōrearea kē atu.**

## Ngā mōreareatanga

I te whakamātautau, ka tonoa koe kia:



Tautohu ā-waha i ngā mōreareatanga.

Ko te mōreareatanga ko tērā e nekeneke ana, ka tūpono neke rānei, hei tauira, ko te waka, ko te tangata, ko te pahikara rānei. Kitea ai pea ngā mōreareatanga i mua, i muri, i ō tahataha rānei.





Me āta whakahua ka pēhea tō aro atu.




Hei tauira, ka kitea he kōtiro e pīrangi ana ki te whakawhiti i te rori - 'He waehiko kei te taha mauī. Ka whakapōturi i taku haere, ka takatū hoki ki te whakatū i te waka.'

## Mō mua i te whakamātautau - āta tirohia te waka



Ka āta tirohia tō waka e te āpiha whakamātautau. Me mātua tiro tiro e koe ēnei mea katoa i mua i tō whakamātautau, ahakoa e whakamahi ana pea koe i te waka o tētahi atu. Ka hinga ētahi i mua i te puta ki te rori i te korenga o ō rātou waka e tika mō te rori.



## Hei te rangi whakamātautau - he rārangi mahi



## Ka whiwhi ana koe i tō raihana matua



DRIVE

Te Kāwanatanga o Aotearoa  
New Zealand Government

Me whakarite mō tō  
whakamātautau ki ...

drive.govt.nz